



GOENA IRASTORTZA familia

AIERDI Aiesteran Erreka auzoko baserria da. Aierdikoak *Trumoiak* ezizenez ezagutu izan dira.

Aierdi inguruko baso eta zelaien izenen artean dauzkagu *Beko soroa*, *Urondoa*, *Txonbillo*, *Azkonita*, *Aizti-txulo*, *Goikogaine*, *Aurtue*. Bertakoek diotenagatik auzoaren izena bertako baserrien jabea zenaren abizenetik dator: Aiesteran. Eta auzoan badira abizen horrekin lotutako beste baserri batzuk ere *Aistrangone* (Aiesteran goena), *Aistramarrena* (Aiesteran barrena). Bazen *Aistrantxulo* (Aiesteran zulo) izenekoa ere, XX. gizaldi hasieran galdua.

Baserritik errepide bitartean aldapa dago. Oinez herriko plazatik ordu erdira dago. 1956an egin zen auzoko bidea, eta etxerainokoa 1960an. Goena Irastortzaneakoak etxejabe dira 1922tik aurrera eta konponketak derrigorrean egin behar izan ziren baserria erre zenean. Bi familia biziko ziren aurretik baserrian eta orduan erabaki zuten, familia bakoitzarentzat etxe bana egitea. Aldez aurretik baserria Lazkaoko markesarena omen zen. Etxea egitean urteetarako zorpetu omen ziren bertakoak. Eta bi familiak ez omen dira sekula haserretu.

Joxe Mari Goena, Ataungo *Sukia* baserritik etorri eta Maria Martina Iruinekin ezkondu zen. 1922an, berriz, haien seme Joxe Frantzisko Zaldibiko *Meizal* baserriko Maria Antonia Irastortza Mendizabalekin ezkondu zen. Arantzazun ezkondu ziren eta bertan egin zuten otordua. Ezkondu zirenean etxean bizi ziren aita-amak, osaba-izebak eta senideetako bat. Horietatik bi hogeita bost urtez eta beste biak berrogei urtez.

Goena Iruin familiako inork ez zuen lanik egin etxetik kanpo. Hurrengo belaunaldian, aldiz, Goena Irastortza familian, denek egin zuten kanpoan lan. 1952-56 bitartean hasi ziren denak Fabrika Handian.

Baserrian baziren bost behi eta idi pare. Ordiziako ferian saltzen zituzten arrautzak eta oilaskoak. Gazta eta esnea ere saltzen zuten Zaldibin bertan. Etxerako berriz egiten zuten garia, artoa, patata, babarruna eta bestelako barazkiak.



Baserriaren arrastoa idatzietan

Aierdi ere, Aiesteran Goena, Aiesteran Barrena eta Aiesteran Erdi bezala agertzen da 1783-12-17an, Francisco Antonio de Echaveren aurrean, Enerio eta Aralarko sailen erabileraz bitartekari bati emandako botere-emaleen artean. Aierdiko hiru lagun agertu ziren bilera hartara. Beharbada, orduan, hiru etxe-bizitza izango zirelako bertan.

Pasadizoak

Gaztain preziatua

Garai hartan gaztaina oso preziatua izango zuten eta dirua hartzen omen zen gaztainarekin. Behin batean kaleko zestogile baten semea joan da beraien sailetara eta bildu ondoren eraman ditu gaztainak etxera. Aierdikoak enteratu direnean, zer egin eta beraiek zestoa enkargatu omen zioten aitari eta ez omen zioten ordaindu.

Informazio emailea: Inaxio Goena



Joxe Antonio, Antonio, Joxe Mari eta Frantzisko.



GOENA IRASTORTZA familia
Joxe Frantzisko (aita) eta Maria Antonia (ama).



GOENA IRASTORTZA familia
Martina, Joxe, Joxepa / Maria Antonia (ama), Inaxio (magalean), Antonio, Joxe Frantzisko (aita), eta Miel.



GOENA IRASTORTZA familia
Joxepa, Martina, Joxe, Migel, Antonio / Maria Antonia (ama), Joxe Frantzisko (aita), Kontxita eta Inaxio.